



2460

KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Čemija br. 8, tel: 033 237-655, 033 447-741; fax: 033 440-658, www.viksa.ba
Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

Bosna i Hercegovina
Federacija Bosne i Hercegovine

SKUPŠTINA KANTONA SARAJEVO Sarajevo, 07.06.2024. god.
Reisa Džemaludina Čauševića, b/f
71 000, Sarajevo

PRIMLJENO: 13-06-2024
Broj: 4903 / 129
01 11 33229 2

n/r sekretar skupštine Aida Zeković

Predmet: Informacije o kontroli zdravstvene ispravnosti vode za maj 2024.god.

Povodom Vašeg dopisa broj: 01-04-33229-38/21 od 15.09.2021.god. kojim tražite postupanje po zastupničkoj inicijativi zastupnice Neire Dizdarević sa 41. Radne sjednice Skupštine Kantona Sarajevo dostavljamo sljedeće informacije.

Kontrola zdravstvene ispravnosti vode za piće u sistemu javnog vodosnabdijevanja u nadležnosti ViKa se vrši u skladu sa zahtjevima Pravilnika o zdravstvenoj ispravnosti vode za piće („Službeni glasnik BiH“ br. 40/10, 30/12 i 62/17).

Interna kontrola zdravstvene ispravnosti vode se vrši u laboratoriji za kontrolu kvaliteta vode pri KJKP VIK pri čemu se svakodnevno vrše fizičke-hemijske i mikrobiološke analize uzoraka vode.

Eksternu kontrolu zdravstvene ispravnosti vode prema ugovoru sklopljenom nakon provedenog postupaka javnih nabavki po zahtjevu ViKa vrše akreditovane laboratorije: „Zavod za javno zdravstvo F BiH“, Euro Inspekt“ d.o.o. Sarajevo i „Institut za vode“ d.o.o. Bijeljina.

Laboratorija za kontrolu kvaliteta vode KJKP ViK d.o.o. Sarajevo je u mjesecu maju izvršila fizičko-hemijske analize 787 uzorka vode i mikrobiološke analize 724 uzorka vode. Laboratorija „Euro Inspekt“ d.o.o. Sarajevo izvršila je fizičko-hemijske i mikrobiološke analize 23 uzoraka vode, a laboratorija Centar za zaštitu od zračenja pri Zavodu za javno zdravstvo F BiH je izvršila analize 5 uzoraka vode na parametre radioaktivnosti.

Rezultati svih izvršenih analiza potvrđuju zdravstvenu ispravnost vode za piće u sistemu javnog vodosnabdijevanja u nadležnosti KJKP „Vodovod i kanalizacija“ d.o.o. Sarajevo.

U slučaju utvrđivanja zdravstvene neispravnosti vode ili u slučaju postojanja opravdane sumnje u zdravstvenu ispravnost vode, stanovništvo ugroženog lokaliteta će zavisno od veličine lokaliteta biti upoznato sa problemom na jedan ili više sljedećih načina: putem direktnog kontakta, putem mjesne zajednice, općine, sredstava medija i web stranice ViKa.

Dostavljeno:

- naslovu
- Ministarstvo komunalne privrede, infrastrukture, prostornog uređenja, gradnja i zaštite okoliša (Reisa Džemaludina Čauševića br. 1, Sarajevo)
- Arhiva

Direktor
[Redacted Signature]
MA Kusmir Salić


Banke: UniCredit Bank dd: 3389002208274753, Raiffeisen Bank dd: 161000063850067,
ASA banka dd: 1344701006766091, Intesa Sanpaolo Banka dd: 1549212006139057,
Sparkasse Bank dd BiH: 199 499 00001979 93, Bosna Bank International dd: 1413065320199704
Ziraat Bank: 1861010310521757, Addiko bank: 3060003194696425



Područje certifikacije:
Proizvodnja i distribucija vode i
odvođenje i prečišćavanje otpadnih
voda u Gradu Sarajevu i u općinama
Vogošća i Ilidža



1,4
AMEL SALIHAGIĆ
Mesečno po dogovoru



Broj:01-04-33229-38/21
Sarajevo, 15.09.2021. godine

**- MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA
KJKP "VODOVOD I KANALIZACIJA" D.O.O. SARAJEVO
- Služba za sanitarnu zaštitu i kontrolu voda -**

PREDMET: Zastupnička inicijativa, dostavlja se-

Zastupnica Neira Dizdarević, u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), na nastavku 41. Radne sjednice Skupštine Kantona Sarajevo, održanom dana 13.09.2021. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je Vladi Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša, KJKP "Vodovod i kanalizacija" d.o.o., Sarajevo i Službi za sanitarnu zaštitu i kontrolu voda, inicijativu „za redovno informisanje građanki i građana o kvaliteti vode za piće i kvaliteti zraka u Kantonu Sarajevo, putem web stranice Vlade KS“.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

CO:
-sekretar SKS
-sekretar Vlade Kantona

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Pripremila: Jasminka Deliahmetović
Kontrolisala: Amela Smailagić-Čamdžić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Černija br. 8, tel: 033 237-655, 033 447-741; fax: 033 440-658, www.viksa.ba
Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

Bosna i Hercegovina
Federacija Bosne i Hercegovine
KANTON SARAJEVO
**Ministarstvo komunalne privrede,
infrastrukture, prostornog uređenja,
građenja i zaštite okoliša**
ul. Reisa Džemaludina Čauševića 1.
Sarajevo

Sarajevo, 12.06.2024. god.

Broj: 4881/24

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 13-06-2024			
Kategorija	Klasifikaciona oznaka	Broj	Broj priloga
es			

Predmet: Zapisnik sa 9. vanredne sjednice Nadzornog odbora KJKP „Vodovod i kanalizacija“ d.o.o. Sarajevo održane 27.05.2024. godine, dostavlja se

Poštovani,

U prilogu dostavljamo zapisnik sa 9. vanredne sjednice Nadzornog odbora KJKP „Vodovod i kanalizacija“ d.o.o. Sarajevo održane 27.05.2024. godine.

S poštovanjem,



Direktor

MA Rusmir Salić

ZAPISNIK

sa **9. vanredne sjednice** Nadzornog odbora KJKP „Vodovod i kanalizacija“ d.o.o. Sarajevo održane **27.05.2024.** godine u sali za sastanke u ul. J. Černija 8. sa početkom u 15,00 sati

Sjednici prisustvuju:

-Ispred Nadzornog odbora: Nedim Pervan, predsjednik, Elma Kuldija, v.d. član i Vildan Husomanović, član.

-Ispred Odbora za reviziju: Ismet Ramović, predsjednik Odbora za reviziju.

-Ispred Uprave preduzeća: Rusmir Salić, direktor, Amar Nović, Izvršni direktor za ekonomske i pravne poslove, Amela Kadić, Izvršni direktor za vodovodni sistem, Adnan Šerak, Izvršni direktor za kanalizacioni sistem i Nermin Kapidžija, Izvršni direktor za investicije i razvoj.

Nedim Pervan, predsjednik Nadzornog odbora, je otvorio sjednicu te konstatovao prisutnost svih članova Nadzornog odbora, čime postoji kvorum za punovažno odlučivanje.

Nakon što su se članovi Nadzornog odbora upoznali sa predloženim dnevnim redom, Nedim Pervan, predsjednik Nadzornog odbora, je predložio, a obzirom da se radi o pitanju koje nije uvršteno u dnevni red, a zahtijeva hitno donošenje odluke, da se izvrši dopuna predloženog dnevnog reda tačkom 10. Razmatranje prijedloga Uprave preduzeća za dopunom Plana javnih nabavki za 2024. godinu, a da predložena tačka 10. Tekuća pitanja, postane tačka 11., tako da je predložio sljedeći:

D n e v n i r e d

1. Usvajanje zapisnika sa 6. elektronske sjednice Nadzornog odbora održane dana 10.05.2024. godine.
2. Razmatranje Izvještaja o radu Odbora za reviziju za februar, mart i april 2024. godine
3. Razmatranje Izvještaja o provedenim postupcima javne nabavke za januar, februar i mart 2024. godine.
4. Razmatranje prijedloga cijene usluge vodosnabdijevanja pitkom vodom i odvodnje otpadnih voda.
5. Donošenje odluke o imenovanju Komisije za žalbe u postupku prijema u radni odnos.

6. Utvrđivanje prijedloga izmjena Statuta KJKP „Vodovod i kanalizacija“ d.o.o. Sarajevo.

7. Utvrđivanje prijedloga za imenovanje članova Odbora za reviziju KJKP „Vodovod i kanalizacija“ d.o.o. Sarajevo.

8. Razmatranje izvještaja o zaključenim ugovorima i anexima ugovora o izmirenju dospjelog duga pod povoljnijim uslovima za april 2024. godine.

9. Razmatranje Izvještaja o zaključenim ugovorima o kompenzacijama i Izvještaja o zaključenim ugovorima o cesijama za april 2024. godine.

10. Razmatranje prijedloga Uprave preduzeća za dopunom Plana javnih nabavki za 2024. godinu.

11. Tekuća pitanja.

Predloženi dnevni red je jednoglasno usvojen.

Ad1.

Zapisnik sa 6. elektronske sjednice Nadzornog odbora održane dana 10.05.2024. godine. je usvojen jednoglasno, bez primjedbi.

Ad2.

Ismet Ramović, predsjednik Odbora za reviziju, je izvjestio o radu Odbora za reviziju za mjesec februar, mart i april 2024. godine.

Istakao je da je Odbor za reviziju dana 28.02.2024. godine održao četrdeset osmu sjednicu sa slijedećim dnevnim redom: 1. Usvajanje Zapisnika sa 47/24 sjednice Odbora za reviziju Preduzeća. 2. Izvještaj Ugovornog organa o provedenim postupcima javne nabavke za 01.01.-31.01.2024.godine. 3. Razmatranje Izvještaja OIR-a br. 02/24: „Revizija FUK-a i QS sistema u Preduzeću“. 4. Tekuća pitanja. Odbor za reviziju je nakon razmatranja Izvještaja Ugovornog organa o provedenim postupcima javne nabavke za period 01.01.-31.01.2024. godine, isti primio k znanju, a mišljenje će dati nakon dobivanja Izvještaja o obavljenoj reviziji javnih nabavki Odjela interne revizije urađenog na kvartalnoj osnovi. Također je nakon razmatranja usvojio izvještaj OIR-a br.02/24: „Revizija FUK-a i QS sistema u Preduzeću“ sa datim preporukama.

Odbor za reviziju je dana 28.03.2024. godine održao četrdeset devetu sjednicu Odbora sa slijedećim dnevnim redom: 1. Usvajanje Zapisnika sa 48/24 sjednice Odbora za reviziju

Preduzeća. 2. Izvještaj Ugovornog organa o provedenim postupcima javne nabavke za 01.02.-29.02.2024.godine 3. Razmatranje Izvještaja OIR-a br. 03/24: "Revizija naplate potraživanja za vodu i odvođenje otpadnih voda". 4. Dostava : -Plan Poslovanja Preduzeća za period 2024-2026.godinu.-Plan javnih nabavki roba, usluga i radova za 2024.godinu i -Set finansijskih izvještaja za 2023.godinu. 5. Tekuća pitanja. Odbor za reviziju je nakon razmatranja usvojio izvještaj OIR-a br.03/24: „Revizija naplate potraživanja za vodu i odvođenje otpadnih voda“ sa datim preporukama, te podsjeća na provođenje realizacije ranije date preporuke Odbora vezane za primjenu standarda MSFI 9. Odboru za reviziju je dostavljen Plan Poslovanja Preduzeća za period 2024-2026.g., Plan javnih nabavki roba, usluga i radova za 2024. godinu i Set finansijskih izvještaja za 2023.g. na upoznavanje.

Odbor za reviziju je dana 25.04.2024. godine održao pedesetu sjednicu Odbora sa slijedećim dnevnim redom: 1. Usvajanje Zapisnika sa 49/24 sjednice Odbora za reviziju Preduzeća. 2. Izvještaj Ugovornog organa o provedenim postupcima javne nabavke za 01.03.-31.03.2024.godine. 3. Razmatranje Izvještaja OIR-a br. 04/24: "Revizija provedenih postupaka javnih nabavki br. 04/24 za mjesec januar, februar, mart 2024. g. (I kvartal 2024. g)". 4. Tekuća pitanja. Odbor za reviziju je nakon razmatranja Izvještaja Ugovornog organa o provedenim postupcima javne nabavke za period 01.03.-31.03.2024. godine, isti primio k znanju. Također je nakon razmatranja usvojio izvještaj OIR-a br.04/24: „Revizija provedenih postupaka javnih nabavki za mjesec januar, februar, mart 2024. godine (I kvartal 2024. g.)“ sa datim preporukama.

Odbor za reviziju je dana 29.04.2024.godine održao hitnu elektronsku sjednicu, putem email-a, a u skladu sa članom 7. Poslovnika Odbora za reviziju, sa slijedećim dnevnim redom: 1. Usvajanje Zapisnika sa 50/24 sjednice Odbora za reviziju Preduzeća. 2. Imenovanje vanjskog revizora za reviziju FI za 2024., 2025. i 2026. godinu. Odbor za reviziju je donio Odluku br. 16-04/24 od 29.04.2024. godine kojom se imenuje vanjski revizor „UHY Revident“ d.o.o. Mostar za pružanje usluga: „Usluge revizije finansijskih izvještaja u 2024, 2025 i 2026 godinu“.

Elma Kuldija, v.d. član Nadzornog odbora, je zatražila obrazloženje za nalaz u kojem stoji sljedeće: „Revizija konstatuje da važeća procedura pod nazivom "Upravljanje rizicima" nije usklađena sa novim Smjernicama za upravljanje rizicima u javnom sektoru u FBiH objavljenim u "Službenim novinama FBiH", br. 42 od 01.06.2022. godine, a obzirom da je riječ o smjernicama iz 2022. godine, da li to predstavlja neki problem ?

Ismet Ramović, predsjednik Odbora za reviziju, je obrazložio da se procedura upravljanja rizicima treba uskladiti sa smjernicama datim od strane Centralne harmonizacijske jedinice, a što ne bi trebalo da predstavlja neki problem.

Amar Nović, Izvršni direktor za ekonomske i pravne poslove, je istakao da će se to tačno provjeriti.

Nedim Pervan, predsjednik Nadzornog odbora je zatražio obrazloženje za „ročnost potraživanja“. Da li je ovdje o riječ o nečemu što nam je također prošli put napravilo problem pa se finansijski izvještaji bili negativni ? Da li to znači da će se „ručno raditi“, pošto izgleda se neće otkloniti u skorijoj budućnosti?

Ismet Ramović, predsjednik Odbora za reviziju, je izvjestio da je to bio jedan od osnova za negativan finansijski izvještaj. Zatražio je informaciju da li se predmetna nabavka može realizovati pa se implementirati do kraja godine?

Rusmir Salić, direktor preduzeća, je informisao da je to nemoguće u ovakvoj finansijskoj situaciji. Sve bi se riješilo novim softverom.

Nakon diskusije, Nadzorni odbor je jednoglasno donio:

Zaključak

Primaju se k znanju Izvještaji o radu Odbora za reviziju za februar, mart i april 2024. godine.

Ad3.

Amar Nović, Izvršni direktor za ekonomske i pravne poslove, je izvjestio o obavljenim postupcima javnih nabavki za mjesec: januar, februar i mart 2024. godine.

Vildan Husomanović, član Nadzornog odbora, je zatražio obrazloženje za stavku 9. iz Izvještaja o obavljenim postupcima javnih nabavki u mjesecu januaru 2024. godine, a odnosi se na dobavljača Bihexo“ d.o.o. Sarajevo, a koji je uložio žalbu na odluku o izboru najpovoljnijeg ponuđača. URŽ je odbacio žalbu zaključkom.

Amar Nović, Izvršni direktor za ekonomske i pravne poslove, je istakao da su ovakvi slučajevi u praksi sada češći.

Nakon diskusije, Nadzorni odbor je jednoglasno donio:

Odluku

Usvajaju se Izvještaji o provedenim postupcima javnih nabavki za januar, februar i mart 2024. godine.

Ad4.

Rusmir Salić, direktor preduzeća, je izvjestio o upućenom prijedlogu Uprave preduzeća Nadzornom odboru, a koji se odnosi na cijenu usluga snabdijevanja pitkom vodom i odvodnje otpadnih voda. Podsjetio je da je Nadzorni odbor već ranije donio odluku o prijedlogu cijene usluge snabdijevanja pitkom vodom i odvodnje otpadnih voda. Bilo je formirano nezavisno stručno tijelo koje je analiziralo prijedlog preduzeća te u konačnosti donijelo mišljenje 14.03.2023. godine i isto dostavilo resornom ministarstvu i Vladi. Međutim mišljenje nezavisnog stručnog tijela nije se nikada razmatralo na sjednici Vlade KS. U međuvremenu smo imali dešavanja koja su potvrdila da PDV na PVN treba da se prikazuje na računima za vodu, odnosno

da se obračunava krajnjim korisnicima. Radi se o presudi Suda BiH koja nalaže takvo postupanje, a u skladu sa Zakonom o PDV-u.

Nakon diskusije, Nadzorni odbor je jednoglasno donio:

Odluku

o utvrđivanju prijedloga cijene vodne usluge

Ad5.

Amar Nović, Izvršni direktor za ekonomske i pravne poslove, je obrazložio prijedlog odluke o imenovanju Komisije za žalbe u postupku prijema u radni odnos.

Nakon diskusije, Nadzorni odbor je jednoglasno donio:

Odluku

o imenovanju Komisije za žalbe u postupku prijema u radni odnos

Imenuje se Komisije za žalbe u postupku prijema u radni odnos u sljedećem sastavu:

R.br.	Ime i prezime	Pozicija	Ime i prezime	Pozicija
1.	Adis Šurković, bachelor poslovnog prava	predsjednik	Belma Lojić, magistrica prava	zamjenik predsjednika
2.	Meliha Dizdarević, dipl.oec	član	Armin Fazlagić, bachelor prava	zamjenik člana
3.	Amir Tucaković, bachelor poslovne ekonomije	član	Aljoša Dizdarević, magistar ekologije	zamjenik člana

Ad6.

Rusmir Salić, direktor preduzeća, je obrazložio prijedlog prijedloga izmjena Statuta KJKP „Vodovod i kanalizacija“ d.o.o. Sarajevo.

Nakon diskusije, Nadzorni odbor je jednoglasno donio:

Odluku

o utvrđivanju prijedloga izmjena Statuta KJKP „Vodovod i kanalizacija“ d.o.o. Sarajevo KJKP „Vodovod i kanalizacija“ d.o.o. Sarajevo, broj: 2317/22 od 18.04.2022. godine.

Izmjene u Statutu KJKP „Vodovod i kanalizacija“ d.o.o Sarajevo, se odnose na sljedeće:

-Član 22. stav (5) alineja 5 mijenja se i glasi: „**Sektor za investicije i tehničke poslove**“.

-Član 42. stav (1) alineja c) : mijenja se i glasi : „**Sektor za investicije i tehničke poslove**“.

-U članu 51. stav (1) u alineji c) riječi : „za izvršnog direktora za investicije i razvoj“ zamjenjuju se riječima: „**za izvršnog direktora za investicije i tehničke poslove**“.

Ad7.

Nedim Pervan, predsjednik Nadzornog odbora, je podsjetio da su članovi Nadzornog odbora proveli intervju sa kandidatima koji ispunjavaju uslove za članove Odbora za reviziju.

Nakon diskusije, Nadzorni odbor je jednoglasno donio:

Odluku

o utvrđivanju prijedloga kandidata za imenovanje članova Odbora za reviziju

Utvrđuje se prijedlog kandidata za članove Odbora za reviziju KJKP "Vodovod i kanalizacija" d.o.o. Sarajevo:

1. Veleđar Benina, prof.dr., član,
2. Ramović Ismet, dipl.ecc., član i
3. Bojić Edna, dipl.ecc., član.

Ad8.

Amar Nović, Izvršni direktor za ekonomske i pravne poslove, je izvjestio o zaključenim ugovorima i anexima ugovora o izmirenju dospjelog duga pod povoljnijim uslovima za april 2024. godine.

Nakon diskusije, Nadzorni odbor je jednoglasno donio:

Odluku

Usvaja se Izvještaj o zaključenim ugovorima i anexima ugovora o izmirenju dospjelog duga pod povoljnijim uslovima za april 2024. godine

Ad9.

Amar Nović, Izvršni direktor za ekonomske i pravne poslove, je izvjestio o zaključenim ugovorima o kompenzacijama i cesijama za mjesec april 2024. godine.

Nakon diskusije, Nadzorni odbor je jednoglasno donio:

Odluku

Usvaja se Izvještaj o zaključenim ugovorima o kompenzacijama i Izvještaj o zaključenim ugovorima o cesijama za april 2024. godine.

Ad10.

Nakon upoznavanja Nadzornog odbora, od strane članova Uprave preduzeća , sa prijedlogom Uprave preduzeća od 24.05.2024. godine za dopunu Plana javnih nabavki za 2024. godinu, Nadzorni odbor je donio jednoglasno:

Odluku

Vrši se dopuna Plana javnih nabavki KJKP „Vodovod i kanalizacija“ d.o.o. Sarajevo za 2024. godinu pozicijom broj: 336-Kalibracija neautomatske vage i utega.

Ad11.

Nedim Pervan, predsjednik Nadzornog odbora, je podsjetio na zakonski rok za dostavljanje i razmatranje Izvještaja o poslovanju preduzeća za 2023. godinu.

Sjednica je završila sa radom u 16,10 sati.

Zapisnik vodio
[Redacted]
Nijaz Kokot, dipl.pravnik

Predsjednik N [Redacted] ora
Prof.dr.sc. Nedim Pervan, dipl.ing.maš.